

Morning Dogri (NSD) National News Bulletin 30-04-2024

आकाशवाणी

खबरां शिवि सूरी कोला।

1. मणिपुर दे बाहरले क्षेत्र च 6 मतदान केन्द्रें पर परतिये मतदान जारी ऐ।
2. भारत नै कल कनाडा च इक कार्यक्रम दरान खालिस्तान दे नारे लाए जाने आली घटना पर जबरदस्त रौह ते विरोध प्रगट कीता ऐ।
3. मौसम विभाग नै भारत दे केई दक्खन पच्छमी राज्यें च औंदे किश दिनें दरान गर्गी दा प्रकोप जारी रौहने दी असार दस्से न।
4. मध्यपेदश च लोकसभा चुनां दे चौथे गेड़ लेई 74 मेदवार चुनावी मैदान च खड़ोते दे न।
5. महिला क्रिकेट च सिलहर च 5 मैचें दी श्रृंखला आले टी-20 मैचें दे दुए मैच च भारत दा मकाबला बंग्लादेश कन्ने होग।

<><><><><><>

Manipur

मणिपुर च चुनां प्राणिकरण आउटर मणिपुर दिएं पार्लिमानी हल्के च अज्ज 6 मतदान केन्द्रें च परतिये चुनां कराने लेई सब्बे लोडचदे बंदोबस्त करी लैते दे न। उखरूल जिले च 5 मतदान केन्द्रें च ते सेनापति च इक मतदान केन्द्र उप्पर परतिये मतदान बडलै 7 बजे थमां दपैहरी 4 बजे तोड़ी होग। भारत दे चुनां आयोग नै 26 अप्रैल गी इनें मतदान केन्द्रें च होए दे मतदान गी तरीके कन्ने नेई होने ताई परतिये मतदान दी घोषणा कीती।

<><><><><><>

India Khalistan

भारत नै कनेडा च इक सार्वजनिक कार्यक्रम दरान जिसी कनेडा दे प्रधानमंत्री संबोधत करा'रदे हे, च खालिस्तान दे नारे लगने पर तगड़ेयाई कन्ने विरोध कीता गोआ ऐ। इस

सिलसिले च विदेश मंत्रालय नै कल नमीं दिल्ली च कनेडा दे डिप्टी हाई कमीशनर होरें गी सम्मन जारी कीता। मंत्रालय नै आक्खेआ जे नेह कार्यक्रमें च बिजन जांच-पड़ताल दे इयै नेही हरकत गी इजाजत देने लेई तगड़ा विरोध दर्ज कराया ते एहदे उप्पर चिंता बी बुज्जी। मंत्रालय नै आक्खेआ जे इयै नेह कम्म भारत ते कनेडा बश्कार रिश्तें उप्पर शड़ा असर गै नेई पाग सगुआं कनेडा च उंदे अपने शैहरिएं खलाफ हिंसा ते जुर्माना हरकतें गी बी बढ़ावा देग।

<><><><><><>

IMD

भारतीय मौसम विभाग नै औंदे 5एं दिनें दरान तेलंगाना, कर्नाटक, आंध्रप्रदेश ते पुदुचेरी च इस्से चाल्ली तेज गर्मी दी लैहर जारी रौहने दी पेशनगोई कीती ऐ। तोआई गर्मी दा प्रकोप पच्छम बंगाल, सिक्किम ते गुजरात च अगले दऊं दिनें तोड़ी बने दा रौहग।

<><><><><><>

PM Modi

प्रधानमंत्री नरेन्द्र मोदी होरें आक्खेआ जे सरकार नै गरीबें गी सशक्त कीता ऐ ते कोई 25 करोड़ लोकें गी गरीबी रेखा शा बाहर आन्नेआ ऐ। उनें आक्खेआ जे उंदी रणनीति गरीबें गी मजबूत करना ऐ तां जे गरीब अपने आप गै गरीबी गी हराई सकै। इक निजी टी.वी.चैनल गी दित्ते दे इंटरव्यू च प्रधानमंत्री होरें आक्खेआ जे देसें नै 30 ब'रें तोड़ी अस्थिरता दिक्खी ऐ, म्याल सरकारां बी दिक्खियां न। श्री मोदी होरें आक्खेआ जे अज्ज विश्व दा आत्मविश्वास भारत प्रति बधी गेआ ऐ की जे 140 करोड़ देशवासिएं इक स्थिर, मजबूत ते स्पष्ट बहुमत आली सरकार बनाई। श्री मोदी होरें दावा कीता जे दुए देसे दे मकाबले भारत च आमदन तेजियां नै बधी ऐ। उनें आक्खेआ जे इनें 10 ब'रें च मेंहगाई दर स्तर उप्पर ही।

<><><><><><>

Assam Rifles

फौज दी असम राइफल्स नै नागालैंड दे "मोन" जिले च भारत मयामार बन्ने कशा भारी मात्रा च थेआर ते गोलाबरूद बरामद कीता ऐ। जानकारी मूजब कल बडलै मूंह न्हरे इक तुपाई

अणायान दरान एह बरामदगी कीती गेई जेहदे च 11 मोटार टयूबां, 10 पस्तोलां, 198 लौहके रेडियो सेट, इक सैटीलाइट फोन ते भारी मात्रा च युद्ध च इस्तेमाल होने आला समेयान शामिल ऐ।

<><><><><><>

ECI BJP

भारती जनता पार्टी दा इक प्रतिनिधिमंडल नै भारतीय चुनां आयोग कन्नै मलाटी कीती ते चुनां दरान पच्छम बंगाल च हिंसा ते झूठे वीडियो दे मुद्दे उप्पर गल्लबात कीती। भारतीय चुनां आयोग कन्नै बैठका बाद मीडिया गी जानकारी दिंदे होई केन्द्री मंत्री अश्विनी वैष्णव होरें आक्खेआ जे कांग्रेस पार्टी लोकसभा चुनां दे चलदे अपने सोशल मीडिया प्लेटफार्मे उप्पर झूठे वीडियो पोस्ट करियै लोकें च भ्रम फैला'रदी ऐ। उनें आक्खेआ जे तृणमूल कांग्रेस लगातार पच्छम बंगाल च हिंसा गी अंजाम देआ'रदे दी ऐ जेहड़ा जे बरदाश्त करने जोग नेई ऐ।

<><><><><><>

MP-Candidates 4th Phase

मध्यप्रदेश च लोकसभा चुनां दे चौथे गेड़ लेई 74 मेदवार चुनावी मैदान च खड़ोते दे न। नामजदगी आले कागज पत्र वापस परताने दे खीरले ध्याड़े कल 16 मेदवारें अपने नां वापस लेई लैते न। नां वापस परताने आले मेदवारें च इंदौर दे कांग्रेस मेदवार अक्षय कांति बाम होर न। उनें नां शड़ा अपनी मेदवारी वापस परताई लैती ऐ बलके उनें कांग्रेस पार्टी थमां बी स्तीा देई दित्ता ऐ ते बीजेपी च शामिल होई गे न। चौथे गेड़ च 13 मई गी देवस, उज्जैन, मांदसोर, रतलाम, धार, इंदौर, खरगोन ते खंडवा च मतदान होग। 4 जून गी वोटें दी गिनतरी होग। तोआई अजें तोड़ी मध्यप्रदेश च कोई 2 सौ 58 करोड़ रपे दी रकमा दा बक्ख-बक्ख समेयान जिस च 21 करोड़ रपे नकदी बी शामिल न, जब्त कीती ऐ। इस समेयान च कोई 37 करोड़ रपे शा मते रकमें दी शराब ते 23 करोड़ रपे दे नशीले पद्वार्थ शामिल न। मध्यप्रदेश च चुनां प्रचार अपने चरम उप्पर ऐ। केन्द्री मंत्रर राजनाथ सिंह होर अज्ज खंडवा ते बरवानी च चुनां प्रचार करगंन ते कांग्रेस दे वरिष्ठ नेता राहुल गांधी होर बहिंद च पार्टी दे हक्कै च वोट दी अपील करगंन।

<><><><><><>

ECI Congress

कांग्रेस नै बी भारतीय चुनाव आयोग कन्नै मलाटी करियै बीजेपी आस्सेआ कांग्रेस पार्टी दे लोकसभा चुनावी घोषणा पत्र गी गलत तरीके नै पेश करपे दा दोष लाया। बैठका बाद मीडिया गी जानकारी दिंदे होई पार्टी दियां वरिष्ठ नेता सुप्रिया श्रीनाते होरें दोष लाया जे बीजेपी झूठे तरीके नै घोषणा पत्र ताई झूठ फैला'रदी ऐ जेहड़ा जे घोषणा पत्र दा हिस्सा नेई ऐ। उनें आक्खेआ जे पार्टी नै चुनावी प्रचार दरान धार्मिक चिन्हें दे इस्तेमाल उप्पर बी ऐतराज जताया ऐ।



Women Cricket

महिला क्रिकेट च भारत ते बंगलादेश बश्कार खेड्डी जा'रदी 5 मैचें दी टी-20 श्रृंखला दा दूआ मैच अज्ज खेड्डेआ जाग। एह मैच बंगलादेश दे सिलहट च अंतर्राष्ट्रीय क्रिकेट स्टेडियम च भारती समें मताबक दिने साढ़े 3 बजे शुरू होग। ऐतवारें श्रृंखला दे पैहले मकाबले च भारतीय टीम नै मेजबान बंगलादेश गी इस्सै मैदान पर 44 रंज कन्नै हराइयै श्रृंखला च 1-0 दी बढ़त बनाई लैती ही।



Carrrom

मालदीब्ज च कल 6मीं एशियाई कैरम चैंपियनशिप च भारतीय खडारिणं मद्रें ते महिलाएं दा डबल्स खताब जित्ती लैता ऐ। मर्दे दे डबल्स दे फाइनल च भारत दे मोहम्मद गुफरान ते के. श्रीनिवास दी जोड़ी नै मालदीब्ज दे इस्माइल आजमीन ते हसन नाजिम दी जोड़ी गी 25-15 ते 25-16 कन्नै हराया। महिलाएं दे डबल्स च भारत दी आकांक्षा कदम ते शाइनी सेबेस्टियन दी जोड़ी नै फाइनल च भारत दी गै रश्मी कुमारी ते नागाजोथी गी 27-25, 25-17, 25-17 कन्नै हराया।



IPL

आईपीएल क्रिकेट च कल रातीं कोलकाता दे ईडन गार्डन च कोलकाता नाईट राईडर्स नै दिल्ली कैपिटल्स गी 7एं विकटें कन्नै हराई दित्ता। टॉस जित्तिथै पैहले बल्लबाजी करदे होई दिल्ली दी टीमै 20एं ओवरें च 9 विकटें दे नुक्सान पर 153 रंज बनाए जेहूदे परते च कोलकाता दी टीम नै 16 ओवर ते त्रै गेंदें च गै त्रऊं विकटें दे नुक्सान पर 157 रंज बनाइथै मैच जित्ती लैता।



Badminton

चीन दे चेग्दू च थामस कप बैडमिंटन चैपियनशिप च पिछली बारी दे चैपियन भारत नै कल गुप-सी दे इक मकाबले च इंग्लैंड गी 5 सीफर कन्नै हराइथै क्वार्टर फाइनल च अपनी थाहर पक्की करी लैती ऐ। पैहले मैच च भारत दे एच.एस.प्रणय नै हैरी हुआंग गी सिद्दे सेटें च 21-15, 21-15 कन्नै हरायाजिसलै जे दुए मैच च सात्विक साईराज रंकी रेड्डी ते चिराग शेट्टी दी जोड़ी नै बेनलेन ते सीन वेंडी गी 21-17, 19-21, 21-15 कन्नै हराया। तोआई त्रिये मैच च किदांबी श्रीकांत नै नदीप दलनी गी 21-16, 21-11 कन्नै हराया। एम.आर.अर्जुन ते ध्रुव कपिला दी जोड़ी नै दूआ डबल्स दा मकाबला जित्तिथै स्कोर 4 शून्य करी दित्ता। उनें रोरी ईस्टन ते एलेक्स ग्रीन दी जोड़ी गी 21-17, 21-19 कन्नै हराया जिसलै जे किरण जार्ज नै कल्याण चोलन गी सिद्दे सेटें च 21-15, 21-12 कन्नै हराया। भारतीय मर्दे दी टीम नै शनिवारें थाईलैंड खलाफ 4-1 कन्नै जित्त हासल करियै थामस कप अपने कश रखने दी मुहीम दी शुरूआत कीती ही। गुप-सी च अक्वल बने रौहने लेई भारत दा अगला मकाबला कल बुधवारें थाईलैंड कन्नै होग।

